

(<https://news.usm.my>)

Berita Mutakhir

16
FEB


PTPM KONGSI KEPAKARAN BIDANG GRAFIK DIGITAL BERSAMA PELAJAR OKU



USM, PULAU PINANG, 15 Februari 2018 - Sembilan pensyarah dan juga pelajar ijazah tinggi dari Pusat Teknologi Pengajaran dan Multimedia (PTPM), Universiti Sains Malaysia (USM) berkongsi kepakaran dalam bidang grafik digital bersama dengan 23 orang pelajar dalam kalangan Orang Kelainan Upaya (OKU) di sini baru-baru ini.

Program yang dinamakan Ekspresi Grafik Digital melalui Web Komuniti di Kalangan OKU ini adalah sebagai sebahagian daripada tanggungjawab sosial kepada masyarakat setempat.

Antara pengisian program ini ialah kelas bimbingan pembelajaran perisian PhotoShop serta pengenalan kepada seni grafik digital, alat asas PhotoShop dan cara untuk memanipulasikan grafik.



Menurut Pengarah PTPM, Profesor Madya Dr. Wan Ahmad Jaafar Wan Yahaya, perkembangan bidang teknologi yang pesat pada masa kini seharusnya tidak mengabaikan sesetengah golongan termasuk OKU.

“Oleh yang demikian, program ini direka khas bagi memberikan peluang untuk golongan ini mengasah kemahiran dan bakat dalam bidang teknologi terutamanya bidang grafik digital,” kata Wan Ahmad Jaafar.



"Program yang diadakan secara percuma ini diharap dapat membantu memajukan ilmu pengetahuan dan kemahiran mereka dalam bidang teknologi maklumat serta memberikan penekanan kepada ekspresi kreativiti," tambahnya.

"Melalui program sebegini, para pelajar dapat menzahirkan kreativiti masing-masing serta menerapkan nilai-nilai murni dalam hasil kerja mereka.

"Pihak kami berharap penghapupayaan yang diberikan kepada mereka dapat digunakan secara holistik untuk mereka bekerja suatu hari nanti serta menjadikan bidang ini sebagai sumber rezeki," tambah Wan Ahmad Jaafar.



Projek ini adalah salah satu projek libatsama Universiti-Komuniti dengan kerjasama Bahagian Jaringan Industri dan Masyarakat (BJIM) USM dan Pusat Kanak-Kanak Istimewa Pulau Pinang. Projek ini mendapat sambutan yang baik oleh tenaga pengajar dan berharap projek tersebut dapat dikembangkan kepada pusat-pusat OKU yang lain.

Teks: Chau Kien Tsong & Amirah Sa'adah Azman/Suntingan: Nor Rafizah Md Zain/Foto: Ayda Fatahiyah Abd Malek



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015